



Z JENAKIM ŁOCHĆOM MĚRIĆ RĚKA

č. 16

- a) wjacore wěcy sprawnje posudźować
- b) bjez lineala měrić
- c) stajnje z měritkom wokoło běhać

Prawa je wotmołwa **a**.

Štóz wjacore wěcy abo wosoby z jenakim łochćom měri, wužiwa za přirunowanje a posudžowanje samsne měritko. Je tuž fairny a sprawny. Łochć wužiwachu na přikład krawcojo w dawnych časach jako měru. Wšako mějachu ju stajnje při sebi a wona njehodžeše so manipulować. Zajimawe wšak je, zo běchu krawcy husto mali mužojo.

Takle móžeš to tež prajić:

- sprawny, njestronski, sprawnomyslny, fairny

Připódlu prajene:

Ale tež dalše kombinacije su móžne: někoho z moraliskim łochćom měrić, někoho z jednym łochćom měrić. Zawěšće maće sami dalše ideje.

Přikłady z rěčneho korpusa:

Abo dokelž – by-li stary Serbin tehdom w šěsnatej hodźinje podpisał – nikomu na mysle přišlo njeby, mój wuspěch z *někajkim moraliskim łochćom měrić* chcyć? (Jurij Brězan, Krabat. Budyšin 1976)

A Triglaw zastupi do paradiza, z črjódku dalších hólcow, holcow z dalších kónčin, wupytanych z *tajkim, hinašim a ženje njewidžanym měritkom a łochćom*, na serbsko-čěsku lěpšu šulu, guminazij, abo kak ta rěka, w měsće hnydom za hranicu. (Jurij Koch, Wosamočeny Nepomuk. Budyšin 1978)